

太上濟度章赦卷中

實八

章

破鄴都開業道章明度黃舞用

具位臣某誠惶誠恐稽首頓首再拜上言臣 檇櫟散材蓬茅賤質幸緣宿慶靈緝真班功 無絲粟之圓過有淵陵之積曲蒙涵貸未賜 誅夷擔勉操修齋期報稱既承投懇敢不關 聞臣謹據入意臣切惟三官九署北都羅鄴 六洞十宮冥關幽夜水火考對生死拘維茹 苦終天千齡展轉難衆生之妄業自受而上 玄之仁澤堪矜非賴救原易臻超邁謹為拜 章一通上聞三天伏望慈悲曲垂矜憫特降 玉清道系靈寶妙光煥朗十方開明九壘即 俾亡故某人暨九玄七祖億劫種親六道四 生諸類幽美灌沐妙系頓悟良心宿劫克愆 應時解散臣謹為上請十方飛天使者十方 救苦玉童玉女上詣三天金闕玉陛下請降 元始符命救苦真符告下十方三界無極神 鄉天地水官陰陽羅錄三官九府百二十曹 北都羅鄴內外宮洞阿鼻無間大小鐵圍十

二河源泉曲之府九幽五獄罪考主司五苦 三塗諸大地獄五道都府執法實曹乘此符 光輝明照耀鐵城摧毀苦考錫停枷索脫除 繫囚消廢爐炭銅柱化作森林鏝湯水池悉 成蓮沼灰河炮炭俱變清涼劔戟刀山盡為 寶樹獨炎炎烈火之獄崇重重金剛之山執 對停平寬仇和釋惡根落滅罪籍捐除赦宥 亡過某人溥及幽冥無執滯矣因徒苦趣志 遂逍遙滯魄沉魂各獲解脫更希麻音勅下 青宮開紫陽玉匱之函出應化慈尊之號十 方流演萬品皈依廣闢法門飛度累戶庶使 善緣霽需靈脫羅敷均沐生成以為救信恩 惟太上分別求哀臣愚謹因二官直使正一 功曹左右官使者陰陽神訣吏科車赤符吏 剛風騎置吏驛馬上章吏飛龍騎吏進章鳳 凰騎上章雲龍騎言章風發騎御章神龍騎 奏章飛龍飛虎騎各二人出操臣為齋主某 拜上破鄴都開業道章文上詣三天曹伏願 天恩告報臣誠惶誠恐稽首頓首再拜 以聞

空三行

空三行

太上無形無名虛無自然至真大道無上玄 尊金闕七寶玉陛下

空三行

太歲某年月日於某處拜上

右凡書章用黃紙朱書紙高一尺一寸六 分行闊一寸二分幅宜單幅單單行每 行定排十七字前一幅指兩行空第三行 方寫章銜疊書下寫臣某誠惶誠恐稽首 頓首再拜此一行不指字看長短到何處 住第四行寫上言字低於銜銜一寸此行 方指十七字數也自上言以下至後每行 指字如法行上留半存行下不通走燈人 姓名作一字寫不得抽破如鬼字如凶字 如死字如賊字諸不佳字不得在行上頭 如仙字人字生字諸佳字不得在行下頭 寫至以為效信即換云恩惟太上分別求 哀臣愚謹因二官直使正一功曹左右官

使者陰陽神訣吏科車赤符吏剛風騎置
吏驛馬上章吏飛龍騎吏進章風風騎上
章雲龍騎言章風發騎御章神龍騎奏章
飛龍飛虎騎各二人出操巨為齋主某人
拜上某章上詣三天曹伏願天恩告報臣
誠惶誠恐稽首頓首再拜以聞以聞二字
低前行一字與再拜相去空三行疊書臣
姓某屬州某縣某鄉某里某官觀某靖焚
修須自半行寫至下其下與紙下頭相平
又空三行疊寫大道街太上無形無名虛
無自然至真大道無上玄尊金闕七寶玉
陛下只指書四寸八分又空三行自半行
寫太歲某年某月某日於某處拜上其下
與紙下頭相平太歲以後皆空紙末書章
不隔日填大道街不隔時故留某時及陛
下一點及以聞字內耳字一直筆未填至
校章時方填也章可漏上寫大道街具法
位街巨姓某章奏謹封方函上寫謹謹上
詣三天門下具法師銜位巨姓某謹重封
入章在函內章函長一尺二寸闊一寸八

分以青紫線三度纏之其十字結處及兩
頭並貼紙印封之又入青紙方函寫如前
方函式前後以袱包之此封章法也

素車白馬章

臣賦性迂疎稟姿愚拙職忝司於濟度誠敢
急於闢聞重冀高明曲原狂斐臣謹據入意
臣職惟領教理難抑建謹消今月某日為始
就某處肅建玄壇依按真科次第修奉臣切
惟九幽六洞三官北鄴冥路幽關職司考對
匪藉蒼穹之宣告曷令部銜於形魂謹為拜
章一通上聞三天伏望慈悲曲垂矜憫特降
玉清道炁靈寶妙光照耀陰鄉煥明夜府即
俾亡故某人泊九玄七祖億劫種親六道四
生諸類幽爽免淪苦趣各脫拘維來詣玄壇
證品升度臣謹為上請素車白馬大將軍一
十二人官將一百二十人九龍符命使者一
十二人官將一百二十人太玄玉女一十二
人官將一百二十人太玄直符一十二人官
將一百二十人上詣三天金闕玉陛下請降
太上救救生天寶籙告十方三界無極神

鄉北都羅鄭泉曲之府三官九署百二十曹
水火陰陽內外官洞三十六獄無間阿鼻大
小鐵圍炎池水沼四瀆五岳十二河源五帝
考官六官掾吏巨天力士執罰神兵司殺司
功司錄司命主考主罪主獄主非四明賓公
天門庭長十官六洞五帝大魔漢冷大神五
道都府幽臺冥掾長夜鬼官無量陰曹咸令
知委遵承今來建壇之所頒行符命侍衛送
迎疾令上件亡魂來苦滄除出離地獄永辭
幽夜睹見光明黑簿燒焚業根披散參朝玄
座受煉更生以為效信

開通道路章

臣惟蠢濁性稟頑蒙冒領玄階重跡洪造敢
竭再三之瀆庸扞萬一之忱臣謹據者忱臣
職惟領教理難抑建謹消今月某日為始就
某處肅建玄壇依按真科次第修奉臣切慮
魂魄爽識來往經由道路關津或生拘障非
賴上玄之詰命曷令阡陌之開通謹為拜章
一通上聞三天伏望慈悲曲垂矜憫特降玉
清道炁靈寶妙光開闢幽途光明無極即俾

亡故某人泊九玄七祖德劫種親六道四生
諸類幽爽僣雜所部來觀齋壇釋罪通幽朝
真受煉臣謹為上請太玄真符太乙使者五
帝直符十天傳言騎吏玄都金龍莢龍驛吏
玉龍飛龍驛吏各一十二人官將各一百二

十人上詣三天金闕玉陛下請降東華青宮
九龍符命紫陽寶節五方生炁十天寶符洞
朗幽陰開明長夜告下天牢地獄水府陰曹
冥局土司泉曲六道北鄴九壘三官九幽五
嶽十宮九州社令洞天福地考校曹僚高皇
丈人丘丞墓伯河侯河掾土下官君歲德尊
神山林孟長泉源溪澗冥路幽關血食神司
城隍里域社廟土地一切主曹咸稟天符遵
依告戒除究拔罪啓路開局釋放上件之魂
整肅形儀經歷次第來詣壇席聽法恭真傳
授戒符領沾功德幽夜不經於險阻冥關克
遂於道遂召攝無拘以符效信

攝召亡魂章

臣控伺無識愚鈍自將冒闡明科奉揚妙化
是濟聖威之峻壽陳愚悃之微重藉慈惠俯

垂朱覽臣謹據入意臣職惟領教理難抑違
謹消某月某日為始既未處肅建玄壇依按
真科次第修奉臣切慮冥途寥廓幽路逶迤
匪憑名攝之威曷顯神虎之政謹遵太乙神
虎秘法宣告太乙玄冥玉札神虎符命鐵逆

臺光寶章建立神虎攝召壇刻時定令追攝
亡故某人泊九玄七祖德劫種親六道四生
諸類幽爽顯接陽眷昭現神機謹為拜上章
文上聞三天伏望慈悲曲垂矜憫特降玉清
道炁靈寶妙光洞朗幽關無有窒礙玉札符
命照耀輝華冥吏幽曹丕承敬聽臣謹為上
請北魁玄範神虎內真雄左大力統制百節
三魂符吏眾機玉曹玄伯雌右武驚提魂攝
魂倒生玄司飛符玉札主吏上部追魂使者
中部追魂使者下部追魂使者道家先七祖
三魂上元玉女追傷亡癩癩癩瘡疔瘡瘡亡
魂中元玉女追無主癆瘵風靡亡魂下元玉
女追瘧疫雷噴亡魂玉符玉女追驚吊刀刑
自縊落水投火胎產厭穢亡魂龜真素握玉
女追毒藥厭魅呪詛刀兵劫掠王洪禽獸所

害亡魂九靈幽臺玉女追見禁罪魂正一延
生六甲隱天靈符玉女疾速來降承符宣德
攝魂召魂又為上請丹天左衛大將軍五方
啓道童子十方道主者六道功曹三界追魂
使者天洞天真清清冷冷尋魂攝魂對魂聚
魂諸大將軍一合來下為臣攝召上件亡魂
聚神復炁克返陽居升騰現形通靈入夢上
彰造化下慰哀情受煉屠符開經聽法削罪
書於北轡紀真籍於南丹時刻升遷以為效
信

沐浴醫治章

臣塵泥滿品燥燥微生胃膈宣德之班教息
度人之典威顏有赫來聽是期臣謹據入意
臣職惟領教理難抑違謹消某月某日為始
就某處肅建玄壇依按真科次第修奉臣切

慮上件亡魂幽關閉鬱陰垢纏羅欲期容體
之澄清必賴神泉之蕩滌謹為拜章一送上
聞三天伏望慈悲俯垂矜憫特降玉清道炁
靈寶妙光泆灌蘭池輝華沐浴即俾亡故某
泊九玄七祖德劫種親六道四生諸類幽爽

獨消氣弊潔湛形神六府洞明一塵不染巨

謹為上請東井玉女華池夫人浣濯玉女沐

浴君吏日月童子各一人五方解穢君將吏

各一百二十人一合下降神化東井黃華之

池西田流汨之沼汲取石景王肥黃華神水

五方正炁日月芝英甘露金津雲液玉醴沐

浴所度亡魂離煉罪塵除障垢淨結節胞

胎之穢清冤債煩惱之氣又為上請東方青

靈始老哺飴以九炁之青津南方丹靈真老

哺飴以三炁之丹華西方皓靈黃老哺飴以

七炁之素漿北方五靈玄老哺飴以五炁之

玄滋中央黃靈玄老哺飴以一炁之黃英定

魄安魂自生五臟又為上請金剛百煉玉液

千和太白流光元皇散精解除鬱煩去滯滯

穢身心清淨智慧洞明又為上請天醫神吏

尚藥靈官三五功曹天醫博士砭石小吏數

藥靈童密運九轉芝英五色神藥布散經絡

藏府之中救療生前禁術之病即使上件亡

魂宿患清平沈痾瘞愈精神復舊肢體潔清

變化更生以為效信

濟度幽魂章

巨吞列真階莫禪玄化矢心傾教勵志度人

荐千咫尺之威虜靈億千之個巨謹據齊志

巨職惟領教理難抑違謹消今月某日為始

就某處肅建玄壇次第修奉巨切見冥關幽

路滯魄窮魂或水火飄焚或兵戈誅害或木

石損磕或挺刃刑傷或久抱飢寒或曾遭燒

毒或冠盜殺戮或蛇虎吞殘或王法凌遲或

震雷噴擊或覆車墜馬或自縊投河或他境

流亡或從軍傾斃或鬼神拘繫或冤對勾連

或瘡跛臂盲或瘴癘癰疽或胎產殞命或疾

病天傷或宿抱怨嗟或常懷憂忿或玄恩未

度或常赦不原孤滯千名沈淪萬姓山林寄

影郊野潛形流淚無歸實堪憐恤惟黃籙昭

天漏泉之澤正陰關永哀望度之機巨雖稟

承玉符冒頌大赦尚慮功德未徧幽冥謹遵

無量度人之道取今月某日夜修設玄都大

獻玉山淨供攝召九州十界六道四生諸類

傷亡無違典議享食受煉脫苦生仙自非大

道之慈憐曷俾眾魂之解脫謹為拜章一通

上聞三天伏望慈悲特垂矜憫頒降玉清道

炁靈寶妙光遍滿十方輝明九野上極無上

下極無下接引萬類均赴法筵滌罪解冤煉

形受化巨謹為上請玉清溟濤大梵靈官青

玄黃籙救苦靈官功曹玉童玉女各三十二

人仙吏一百人上詣三天金闕玉陛下請降

元皇慈悲吉祥甘露寶持天應救宥寶懺一

合下降即為呪洒甘露溥化斛筵周徧虛空

無窮無盡哺飴眾奕充足豐盈隨感來款悉

皆飽滿仰承元始符命金籙白簡救苦真符

長生靈符太上生天寶籙東華青宮九龍符

命寶光羅絡拔度幽沈不分六道四生咸受

黃籙治煉即使未度者度未生者生未升者

升未化者化合符膺卷返陰還陽超凌人天

以為效信

九煉生仙升度亡魂章

巨道未通玄德難入妙屢為人而違請每拊

已以凌兢仰藉汪涵俯加原貸巨謹據齊志

巨職惟領教理難抑違謹消今月某日為始

就某處肅建玄壇次第修奉巨切慮上件亡

魂陰暗久淪陽光易隔匪藉黃華之治煉焉
令碧落之登真謹取某日夜遵依靈寶大法
無量度人開廓五文奉行九煉先為拜章一
通上聞三天伏望慈悲曲垂矜憫特降玉清
道炁靈寶妙光灌注玄壇輝明洞耀即俾上

件亡魂身沐靈光心滌陰穢水火煉質表裏
周圍謹為上請南宮度人不死尊神南極長
生大君度世司馬大神好生韓君夫人真君
南上司命司錄延壽益算度厄尊神迴骸起
死無量度人真君度魂上生南宮真君奉為
亡故某人注算金文定名玉簡又為上請太
乙救苦仙吏金闕化身仙吏朱陵度命仙吏
道遠快樂仙吏寶華圓滿仙吏煉度玉司靈
寶仙官玉童玉女將軍使者功曹主吏上詣
三天金闕玉陛下請降元始符命金錄白簡
長生靈符內音玉字赤書真文上生黃錄寶
誥下臨壇席奉為亡故某人破鄴都之穢濁
蕩泉壤之幽陰削落業根焚燒罪籍飛度五
戶斬滅三尸建立法橋迴旋雲界啓黃華之
寶井立流火之神庭陶冶陽靈蕩除陰翳上

登朱府下入關光復返萬神重生九炁披登
天之法服駕蓮花之寶輿徑詣天門朝禮金
闕道遠自在與道合真永無輪轉之憂常履
照明之運

鄧都赦罪章明其音用

臣生居濁世運際昌期佩錄參玄傳經悟道
誓度人而領教庶補過以立功凡有販投取
忘闡告臣謹據齊意臣切惟三官九署百二
十曹六洞十宮三十六獄鐵圍無間泉曲河
源五苦三途九幽五岳典司憲令考對愆尤
愚俗累生罔明正理造寬積業抱惡逞非致
使名諱北鄧魂歸幽夜拘閉陰獄囚繫終天
痛苦備嬰莫由解脫匪賴玄虛之曲救曷令
罪報之蠲除謹為拜章一通上聞三天伏望
大德好生至仁無外特降玉清道炁靈寶妙
光明映十方煥明三界冥關幽路照耀輝華
地累罪魂應時清淨即俾上件亡魂出離夜
壑覩見晨陽開發善心自識宿命悔過進善
脫苦超生臣謹為上請降真名靈符吏降真
召靈童子各一人特為亡故某人恭請大極

真符告下東極天中長樂宮內大慈仁者尋
聲赴感太乙救苦天尊希降威神慈光普照
十方世界重陰極壘北都寒池一一獄中悉
成陽境鐵城摧毀枷鎖脫除赦宥亡故某人
萬罪蕩除寬仇和釋不經地獄親見光明仰

賴天尊上聖召十方飛天神王救苦真人救
苦童子青玄玉女遍下幽獄降慈悲之法雨
洒甘露之寶漿即得水雪生春炎烟息焰刀
化玉樹劍變寒林寒水溟泠頓除凜冽雙湯
銅柱悉獲清涼獄卒牛頭俱生善念銅蛇鐵
狗永斷惡緣曹局除考對之名司案焚業報
之字以至驅雷役電連汲溟波負石擔沙天
圓轉匝穿地引水運風掃山謫役囚徒均承
妙化斷地逮役度上南宮蒙如懇切之祈允
拜提携之造

沐浴煉度章

臣塵埃賤質草莽微生誤沐甄陶俾登階品
重藉圓成之造敢忘報稱之私誓拯沈淪庶
敦勳行臣謹據齊意臣職惟領教理難抑違
謹消今月某日為始就某處肅建玄壇依按

真科次第修奉_臣切惟積夜重泉冥鄉幽路陰氛縈結業垢交罹衆生魂墮寒庭神歸夜壑陰靈混翳晦濁蒙維雖已頒告符章曲行攝召慮倫幽域莫遂泰朝自非沐浴於神象曷俾形魂之蕩滌謹為拜章一通上聞三天伏望大德好生至仁無外特降玉清道炁靈寶妙光洞映蘭池神化玄液即俾亡故某人源身浴德蕩垢清塵洗表裏之昏蒙除形神之熱惱朝真聽法度命升玄_臣謹為上請五方五靈童子各五人解穢君吏各一百二十人浣濯夫人黃華玉女各一人應時下降取黃華神水煉尸素漿甘露金津雲腴玉醴灌注蘭湯之中沐浴亡故某人滿滌塵勞消除罪障五臟六腑悉得清明九竅四肢俱成澄潔又為上請主水主火大將軍石景水母流精玉女九光童子火鈴靈童青玄煉魂應干真泉取南昌朱陵流火之庭東井黃華流泗之沼真水真火一合來下專為亡故某人煉洗穢氣陶澄累垢經履受度克應升仙永證無為不經輪轉

升度亡靈章

_臣匪質何庸短材無取師恩赫奕幸親希微帝力輝華若為報救期廣揚於濟度克昭贊於生成_臣謹據齊意_臣職惟領教理難抑違謹消今月某日為始就某處肅建玄壇依按真科次第修奉_臣切惟上件亡魂久淪陰地獲觀陽光自非度命以反生曷俾超凌而自在謹為拜章一通上聞三天伏望大道好生至仁無外特降玉清道炁靈寶妙光朗耀玄虛煥明壇俾即上件亡魂沐靈光而快樂乘煉度以逍遙_臣謹為上請南昌上官司命君司錄君廷壽君益算君度厄君度人不死君南極長生君度世司馬君好生丈人君迴軼起死無量度人君升度亡故某人先入黃華寶井次入疏火神度濯質蕩形除陰煉穢把九天之真炁灌五帝之靈芒氣象周圓形神完復應車碧落羽駕太清升入天門佩符合券永無輪轉常獲逍遙受化更生以為效信

遷拔亡靈章 遷拔道場月

_臣福基夙挺昌運欣逢佩錄進階傳經受道深慚蹇淺莫悟希夷過有貫盈功無績積尚沐生成之澤俾司濟度之科益勉操修庸期報稱敬奉詞悃所合奏聞_臣謹據齊意_臣職惟領教理難抑違謹消今月某日為始就某處肅建玄壇依按真科次第修奉_臣切惟三官九署六洞十宮泉曲河源北鄭東岱考校善惡毫髮無差濁世衆生罔知修飾六根三業五慾七情流浪顛實馳騁不息致使魂歸幽府神返幽關冤仇繫縈曹局推對悠悠長夜深可矜憐自非上聖推惻隱之仁曷俾下愚免沈淪之苦謹為拜章一通上聞三天伏望道德曲成慈悲丕冒特降玉清道炁靈寶妙光照耀耀單煥明澤墨即使亡故某人親此靈輝自識宿命捨惡趨善脫苦上生_臣謹為上請太上十二陽門開光童子一十二人天道功曹一人九天雲路正一功曹九人南昌上官扶接引送神童玉女各一百二十人手執太上遷神符命開導靈幡接引所為亡魂蒙陽光之下燭指雲路以上升逍遙太空

永無淪墜

蕩滌血湖章 血湖通場用

巨塵泥賤類草莽微生誤玷班聯濫司濟度
 莫報生成之德誓宣化育之仁凡有皈依敢
 忘關告臣謹據齊意臣切念亡故某人三生
 四負多積寬愆六愆七情易招孽咎命罹產
 厄神墮幽關北野東岱之曹紀錄姓字硃石
 血湖之獄考對形魂抱痛終天無由解脫爰
 念稟生之本始孰非祖炁之分靈妄業自招
 實堪矜憫帝恩無外諒賜哀憐謹為拜章一
 通上聞三天伏望垂惠重泉曲加省覽特降
 玉清道炁靈寶妙光洞映十方照燭長夜變
 陰暗為陽明之境化血湖為清淨之場令諸
 罪人自識宿命捨惡趨善脫苦超生臣謹為
 上請三炁流光符吏蕩滌血湖符吏各一人
 官將各二十四人上詣三天金闕玉陛下請
 降三炁流光真符玉元蕩滌血湖真符告下
 北都羅鄴大鐵圍山硃石無間血湖地獄即
 冀符光朗耀陰壤開明原赦亡故某人泊見
 禁經產身亡未得出離者並與疾除罪薄落

滅惡根解釋冤仇開通性識承今符命獲脫
 冥途來詣玄壇聞經聽法全形復質隨果注
 生又念淪染血腥形神穢濁來朝三寶難近
 天光謹為上請五方五帝解穢君吏各一人
 玉女使者各二十四人九鳳破穢大將軍
 穢大將軍洗穢大將軍滅穢大將軍各一人
 官將各二十四人沐浴東井君一人官將二
 十四人浣濯夫人黃華玉女各一人仙花玉
 女一百二十人一合來下為取黃華神水煉
 尸素漿甘露金津雲腴玉醴灌注蘭湯之內
 沐浴亡故某人洗除產厭蕩滌穢腥俾令內
 外光明形神潔淨根塵業垢並與澄清又念
 亡故某人淪謝之初自膺痛毒榮衛傷痺未
 遂安痊謹為上請天醫神吏尚藥靈官治病
 功曹太醫博士各一人一合來下密運神聖
 工巧餌以日精月華玉芝金醴五色神丹救
 療諸苦庶得陰陽通暢血脈和平經絡通元
 魂神澄正朝真受度托化人天永無淪墜之
 憂自在光明之界更願靈光煒燁慧澤周流
 業海澄波血湖息浪人民品物並受生成舒

化日於三塗播仁風於八極
 滅度煉尸生仙章 玉煉生尸齊用
 臣幸藉宿因滋禪妙化普廣宣於濟度膺上
 贊於生成過有淵陵功無毫髮尚祈恩霽俯
 賜包容臣伏為先師某人元命某年月日時
 生存日佩某經受某籙奉某法補充某職係
 某靖焚修末學道淺仙品未充莫能背土凌
 空飛騰霄漢運應滅度以某年月日身經太
 陰享年幾歲已準三洞仙度品格衣服枕席
 通篆靈章術其尸形又準滅度五煉生尸寶
 經玉字真文安鎮五方護其神識練言遷葬
 寄形土官 未葬更何煉 尤慮生存之日功德
 未周恐阻超邁遂卜今月某日謹就某處崇
 建靈寶滅度五煉生尸妙齋二晝夜期將先
 師某人扶接引送返形受生遊行太空臣事
 金闕 臣義同父子志劇悲惶 于志劇悲惶
 恭按真科次第修奉臣切惟三官九府百二
 十曹四極明科三品洞律昭如日月威若雷
 霆學道參真易招罪戾未經赦宥必墮幽鄉
 轉眼畏途惟增駭汗今先師某人生逢昌運

佩奉玄元未明修真御景之方徒抱濟物利人之志元臘節會禁戒多違經錄法階朝修有缺重以飛章進表每瀆仙真設醮建齋或干神吏致使玄曹卑錄黑簿登書陽過未原陰愆莫運修忽厭世遽受沈寥自非大道廣運於慈悲曷俾後學疾躋於冲躡謹為拜上丹章一通上聞三天伏望上聖垂仁至真矜憫特降玉清道炁靈寶妙光下覆先師某人魂魄尸形削落愆尤解除考訟隨光御炁徑上虛元仍乞告下十方三界一切真司特為原赦宿生今世三業六情泊學道以來無違過咎並從寬釋移名紫籍受化更生臣謹為上請靈寶落減惡道靈官三人官將各一百二十人斷絕地根靈官四人官將各一百二十人飛度累戶靈官五人官將各一百二十人又一合下降為先師某人落減三惡斬絕地根飛度五戶名列太玄乘景升神上登無極若先師某人魂魄淪墜三塗五苦六天九幽者即為度脫高升上境又為上請玄都金龍驛吏一十二人東華青宮九龍符命使者九

天道功曹一人十方飛天使者十人官將各一百二十人上詣三天金闕玉陛下請降元始符命金籙白簡長生靈符東華青宮九龍符命登真度命出離生死真符南昌上宮寶誥告下三官九署五帝四司無執陰治若先師緣公私罪犯未得解釋者願乘此仙度功德悉為赦除若因三曾九祖億劫種親宿對罪緣結業幽冥者願為條錄生前建善之功速為解宥即冀改易罪籍定名玉簡遷神度品高步天衢又為上請九天三十二天五老上帝諸天省府北斗南辰日月五星天曹真眾各降真炁接引先師某人蕩滌愆瑕進升道境復還治職悉入太玄登品成真永無輪轉更願先師某人所屬某岳某山真靈正神符下九土地官各依部界管衛尸形災害消除塚墓寧靜形安神守魄不敢揚持節契符重甦骨肉形與神合遊宴騰凌得為神仙一如五煉生尸經旨永奉玄恩以為效信

升度仙魂章師文中通用

巨級武班照濫司濟度叨恩逾分村已知元

誓弘洞輔之仁密贊生成之德尚祈洪造俯鑒丹忱臣謹據齋意臣職惟領教理難抑違切念某人幸藉夙緣叨承玄蔭佩錄奉法受經學真易涉塵寰未明竅妙建齋設醮每冒威儀拜表上章實乖俯仰破齋犯戒縱業違情常失天和多循人愆三元五臘莫謹朝修甲子庚申曾無懺謝過書黑簿名錄玄曹未能坐脫立志升神御炁運應滅度身經太陰莫測升沈修經旬朔孝子臣情鍾父子志劇悲惶弟子臣義均師友志劇悲惶自非上聖垂慈高真乎佑俯矜愚昧力賜憐悵何以洗浣前愆導迎新旣庸是不揆狂斐謹為拜章一通上聞三天伏望大慈曲成至仁無外特降敕命行下十方三界合屬去處將某人浩劫以來稟生之後應有過犯並與赦除即俾定錄青宮移名朱府形神混合系象周圍隨我學功校勲還實復還治職悉入太玄克為聖君金闕之臣大揚聖化緣運不絕身得神仙逍遙上清永無輪轉

斷絕復連章度星齊月

臣性識迂愚資材短陋繼班聯而領教普濟
 度以推仁凡有皈依敢忘關奏臣謹據奇意
 巨切見上件亡魂涉生以來造業縱情罔知
 檢戒厭世之後積愆抱孽自致沈淪流曳三
 途顛連五苦惟思執滯豈念超凌眷屬姻親
 俱罹傳染家門大小積致傾亡求替代以莫
 能遂復連而無已如斯陷溺實可矜傷自非
 玄造之拯提曷俾下愚之安泰謹為拜章一
 通上聞三天伏望隆慈曲加哀憫特降玉清
 道炁靈寶妙光照燭重泉釋明夜壘即俾亡
 故某人開通正念悔悟宿因醒覺前非自求
 并通免致延累永斷復連臣謹為上請石安
 君都星君誅殃君都平君朔平君天玄君石
 仙君高都君斷拜君回化君十人天醫博士
 善談大夫各一人官將各一百二十人除殃
 君天昌君無上高倉君中宮左都候君各一
 人兵士各一萬人素車白馬君一人吏兵十
 萬人參星將軍太白兵星熒惑吏鐵面敢健
 食鬼力士天鄒甲卒吏兵官將一合來下為
 齋主某人化諭先亡分解家訟消除執著斷

絕復連又為上請斷炁大將軍斷尸大將軍
 各一人官將兵士十萬人九天捕氣將甘露
 將護命將各一人官將各三十二人一合來
 下保護未來病苦斷除先亡復連即令某人
 形魂利安塚墓寧靜微呼塚訟自此斷除釋
 罪登真永超幽暗齋主某人內內外眷屬合
 門姻親快樂逍遙竟離傳染精神安泰管術
 和平富壽康寧以為效信
 啟告玄穹章初修黃符齊用
 臣漚承玄呪叨領真班仰荷甄陶俯深銜戴
 期暢生生之厚澤廣禪化之深仁控告既
 勤關聞敢後臣謹據齊意臣切慮建壇之所
 劫灰以來陰濁混疑游氛四塞塵霾流伏昏
 垢飛揚非絲解拔之功曷肅玄真之奉重以
 故系糾雜人物紛葩宜解滌除庶令清淨謹
 為拜章一通上聞三天伏望大慈曲施玄化
 特降玉清道炁靈寶妙光上煥雲霄下輝風
 壘十華八極罔不洞明即俾所建齋壇灌沐
 靈光一塵不立內外融潔寶芝自生臣謹為
 上請五方五帝解穢君各一人官將一百二

十人捧持五和香泉真精法水一合下降浣
 濯靈壇解除厭穢仙花玉女一千二百人九
 鳳破穢籙中運穢解穢收穢却穢除穢斷穢
 洗穢蕩穢諸大將軍各一人官將各一百二
 十人五方五龍主水使者一合下降蕩滌內
 外潔齋應辦器用室廬悉獲澄清更無厭滓
 又為上請降真召靈符吏降真召靈童子各
 一人資持高上玉清仙王降真符命元皇召
 靈符命宣告三界嘯命十方策役千靈關盟
 萬聖護持壇律糾正齋功由始及終迄無障
 撓更希教旨行下玄壇受事靈寶仙曹省府
 院司官君將吏從臣請降共佐洪釐使齋主
 某人善果周圓嘉祥密被承恩今日流慶他
 生散壇言功不負效信
 超凌祖玄解冤章
 臣學術荒疎材能淺局每為人而有請惟拊
 已以知慚仰藉高明俯垂淵鑒臣謹據齊意
 臣職惟領教理難抑違謹消今月某日為始
 就某處崇建玄壇依按真科次第修奉臣切
 惟齋主某人世緣酬酢塵務蒙迷九祖七玄

寧無罪累三生四負或結冤仇非由解釋以
趨凌易伴善功而圓滿謹先於某月某日夜
修設玄都大獻玉山淨供攝召上伴亡魂普
及六道四生諸類幽爽享食受煉磨戒佩符
若寬若親俱起淨域庶使齊主某人一身清
淨萬罪蕩除家訟不生怨憎何有逍遙自在
成就良因謹為拜章一通上聞三天伏望大
慈曲施宏化特降玉清道炁靈寶妙光照耀
陰高開明夜府幽冥萬類均脫化機乘此靈
光來親壇壇聞經聽法各遂騰凌臣謹為上
請玉清漢澤大梵靈官三十二人仙吏一百
八為齋主某人呪洒甘露淨化斛筵周遍虛
空無窮無盡哺飴眾爽各獲豐盈隨感來歡
悉皆飽滿又為上請玉清上解祖考靈官解
元釋結靈官各三十二人仙吏各一百人為
齋主某人開釋祖玄疾除罪簿永超愛網獲
脫輪迴解釋仇讎齊同慈愛克離冤囹竟陟
生方得先亡永無繫戀之憂而齋主克遂熏
修之果更為上請朱陵火府南昌上宮黃籙
靈曹執法仙眾各持真水真火煉度眾魂伴

出幽關成生淨域庶幾忘麤品類悉出迷途
寃愛靈齊登道岸敷太上無私之澤贊玄
元有造之仁極天際地成膺至化

不經地獄章

臣一介愚蒙千生緣會冒感涵育存濟崇嚴

雖揣分以凌兢敢騰詞而關告臣謹據齊意

臣領詞虔切理難抑違謹消今月某日為始

就某處肅建玄壇依按真科次第修奉臣切

惟齋主某人托迹塵籠隨緣世網為人為己

易積愆尤謀身謀家動招罪障恣情於三尸

五累逞志於三業六根東岱簡書北鄧錄籍

百年運盡慮墮幽家九夜神遷必膺考校茲

預投誠於玄極先期曲赦於蒼穹懺往罪而

盡消悔前非而不作勿經幽暗常履光明徑

上南宮永離北府究觀素實可矜憐謹為

拜章一通上聞三天伏望大慈曲施宏化特

降敕命宣告三官九府百二十曹六洞十宮

羅鄧鬱絕河源泉曲五道冥泠五帝考官六

宮掾吏巨天力士執罰神兵司殺司功司命
司錄城隍社令主罪職寮俾齊主某人積劫

以來稟生之後心生日語自作教他輕重罪
愆未經原赦因今善果咸與蕩除削過黑編
移名青錄將來運應滅度身經太陰所在玄
曹普加部衛不罹苦趣疾詣南天受化朱陵
逍遙自在輪轉不絕得為神仙蒙如所陳允
昭真貺

南宮寄籍章

臣迂疎賤類朴野愚生誤綴班聯濫司濟度

既投誠而懇告蓋請命以關關臣謹據齊意

臣職惟領教理難抑違謹消今月某日為始

就某處肅建玄壇依按真科次第修奉臣切

惟齋主某人身隨塵域心慕玄關謝過祈恩

既殫懇切修齋行道爰整修崇期生前落

於罪愆庶身後轉輪於福祐北都泉曲願滌

刑編南昌上宮親書真籍儻此日寄名而有

權則他生受化以無憂洞察忱恂委堪矜憫

謹為拜章一通上聞三天伏望大慈曲施宏

化特降敕命宣告南曹為消黑鬱之名即紀

朱陵之籍臣謹為上請南宮度人不死尊神

南極長生大君度世司馬大神好生轉君丈

人真君南上司命司錄延壽益算度厄專神迴骸起死無量度人真君一合來降特為齊主某入寄名玄籍削罪鄴山運盡百年即登朱火不經陰地常親陽天流餘慶於曾玄沛天恩於浩劫更希睿渥遍澤群靈監善惡之敷羅沐膏功之廣大普天率土均衍蕃釐六趣三途俱承純嘏慈雲誕布湛露霑濡動植飛潛生自在幽冥品類化無方陶太和之靈風鼓時雍之至治

眾真監度章

臣夙承玄運生際昌時漸無及物之功期暢度人之澤存敷萬一敢殫弄三尚莫高明俯垂采聽臣謹據齊意臣職惟領教理難抑違謹消今月某日為始就某處肅建玄壇依按真科次第修奉臣切慮齊主某入業機累性世網謀生五慾七情寧無過咎六因十習易積愆尤雖汨沒於今時恐紛紜於身後懺罪北府寄籍南宮諒荷玄恩俯垂洪澤自非生身而受度永斷惡緣曷今膺戒以佩符常趨善地庸罄忱恂之請仰干宵昊之仁謹為拜

章一通上聞三天伏望大慈曲施宏化特降敕命宣告十方三界合屬玄曹俾齊主某入肅建壇場羅敷盟信歡迎萬聖降召千真蓮金籙度命之文受九戒二簡之妙他年滅度不墮迷途俚上朱宮更生受化謹為上請無上九天帝君三十二天帝君五靈五老帝君日月五星真君南辰北斗二十八宿三官帝君南昌上官度人真象天曹地府五岳四瀆無鞅真宰俯降玄壇監真證度奉為齊主某解釋冤仇超度宗祖飛滅途苦斷落業根剷削除名移注真籍降金液而煉質灌靈芽以生津九炁周流八景合備消五行之魔試度萬劫之凶災白簡上生赤書保運欣慶受度既無拘於天門道進登真自永難於地戶百年運盡直詣南丹受書超凌永登妙果培今生之慶址植他世之昌茲與道合真以為效信

太上濟度章赦卷中

太上濟度章赦卷下

官九

赦

玉清大赦 開度黃卷月

秦玄都者 煉鄴都九幽主者備為冥曹

敕門下天地之大德曰生仁涵三極日月之

容光必照恩浹九幽曉庶類之流形均一元

之稟氣六塵六識陽源易泯於化機萬死萬

生陰域逐家於業網冥冥罪性慘慘窮魂雖

黔黎之妄垢自貽而玄元之真慈曲憫今據

法師銜奏為壽意伏候敕旨事據三天門下

敕陳詞激切頌旨允俞依金籙白簡之文敕

玉匱明真之典普令夜壑咸樂春臺可大赦

三界應赦恩到日九幽罪人除十惡五逆不

忠不孝誹謗大道毀壞經教者不赦外其餘

雜犯以下已發覺未發覺已結證未結證已

受苦未受苦已受報未受報不論輕重常赦

所不原者咸赦除之

應冥吏陰曹有功高德重者與陞仙職以

次進補陽官

應山川神祇係祀典不係祀典有功德及